



Fedje kommune

Møteprotokoll for Kommunestyret

Møtedato: 29.10.2018
Møtestad: Slissøyna/skarvøyna
Møtetid: 18:15 - 20:30

Møtedeltakarar	Parti
Marit Solbakk Øien	
Gidske Borge Kolltveit	Ap
Terje Blomvågnes	Ap
Bjørn Solbakk	Frp
Ottar Tangen	Frp
Erling Walderhaug	H
Stian Herøy	H
Tonje Hernar Gullaksen	H
Ingmar Stuberg	Krf
Roy-Asle Tungland	Krf
Tove Nordseth	Krf

Møtedeltakarar vara	Parti
Hans Erik Waage	Ap
Ove Gunnar Nilsen	H
Maria Thomassen	Krf

Forfall meldt frå følgjande medlemmar:	Parti
Stian Storemark	Ap
Paul Gunnar Gullaksen	H
Torill Hermansen Horgen	H
Olav Nilsen Husa	Krf

Følgjande frå administrasjonen møtte:
Nadine Gutte-Preusse, Nils Moldøen, Signe Råheim

Sakliste

Saknr	Tittel
057/18	Godkjenning av møteinnkalling og sakliste
058/18	Godkjenning av møtebok
059/18	Northern - søknad om skjenkeløyve
060/18	Northern & co- søknad om salsløyve
061/18	Referatsaker
062/18	Forslag til reglement til pendlartilskot
063/18	Framtida til Holmengrå
064/18	Skjønnsmessig frådrag
065/18	Velferdsteknologi - status og framdrift
066/18	Eventuelt
067/18	U-864 og Kvikksølvet. Uttale til Storting og Regjering

057/18: Godkjenning av møteinnkalling og sakliste

Behandling:

Vedtak:

Møteinnkalling og sakliste vert godkjent.

Samrøystes vedteke.

058/18: Godkjenning av møtebok

Behandling:

Rådmannen sa at Kristin Handeland (Ap) stod oppført som deltakar i førre kommunestyremøte. Dette var ein teknisk feil.

Marit Solbakk Øien (Uavhengig) sa at det vart gjort feil ved val av representantar til Aufera sin generalforsamling.

Tilleggsforslag frå Ottar Tangen(Frp): Ingmar Stuberg kallar inn til møte i nemndenemnda.

Vedtak:

Møtebok frå sist møte vert godkjent. Ingmar Stuberg kallar inn til møte i nemndenemnda.

Samrøystes vedteke.

059/18: Northern - søknad om skjenkeløyve

Behandling:

Stian Herøy(H) melde seg ugild. Varaordfører Roy Asle Tungland tok over å leie saka. Framlegg til vedtak: Stian Herøy er ugild i handsaminga av saka. Samrøystes vedteke. Det var ikkje mogleg å skaffe vara for Stian Herøy(H).

Tilleggframlegg frå Ingmar Stuberg (Krf): Løyvet vert avgrensa til skjenking av eigne produkt. Dette har sin bakgrunn i at vi gjer eit unntak for vilkåra i lokal forskrift om fast meny eller a la carte meny.

Det vart røysta over tilleggsframlegget for seg sjølv. Tilleggsframlegget vart avvist med 8 røyster mot 5 røyster. Høgre, Marit Solbakk Øien(uavhengig), Hans Erik Waage(Ap) og Gidske Borge Kolltveit (Ap) røysta mot tilleggsframlegget.

Vedtak:

Northern får løyve til å skjenka alkohol i deira lokale som følgjer:

Alkoholgruppe I frå kl. 08.00 til kl. 02.00 måndag – laurdag og søndag frå kl. 12.00 til kl. 02.00.

Alkoholgruppe II frå kl.08.00 til kl.02.00 måndag – fredag, laurdag – søndag frå kl. 12.00 til kl. 02.00.

Alkoholgruppe III frå kl. 13.00 til kl. 24.00 alle dagar.

Løyvet gjeld frå 20.10.2018 til 30.09.2020.

Styrar for løyve er Knut Morten Michelsen og stedfortredar er Sandra Herøy.

Løyvet vert gjeve under føresetnad av at det ikkje vert sal og skjenking i same lokale, i tråd med alkoholova § 4-1.

Vedteke med 11 røyster mot 2 røyster. Tove Nordseth (Krf) og Maria Thomassen (Krf) røysta mot.

060/18: Northern & co- søknad om salsløyve

Behandling:

Stian Herøy(H) melde seg ugild. Varaordfører Roy Asle Tungland tok over å leie saka. Framlegg til vedtak: Stian Herøy er ugild i handsaminga av saka. Samrøystes vedteke. Det var ikkje mogleg å skaffe vara for Stian Herøy(H).

Vedtak:

Northern & co får løyve til sal av alkohol gruppe I frå sitt selskapslokale på bryggeriet slik:

Måndag til fredag frå kl.09.00 til kl.20.00, laurdag kl.09.00 til kl.18.00. Dette gjeld ikkje dagen før Kristi Himmelfartsdag. Påske-, pinse-, jule- og nyttårsaften er salstida til kl.15.00. Søndag er stengt.

Styrar for løyve er Knut Morten Michelsen og stedfortredar er Sandra Herøy.

Løyvet gjeld frå 01.11.2018 til 30.09.2020.

Løyvet vert gjeve under føresetnad av at det ikkje vert sal og skjenking i same lokale, i tråd med alkohollova § 4-1

Vedteke med 11 røyster mot 2 røyster. Tove Nordseth (Krf) og Maria Thomassen (Krf) røysta mot.

061/18: Referatsaker

Behandling:

Følgjande var sendt til referatsaker:

Oversending av klage til rett instans - Innsyn - Fedje

Oversending av tillegg til klage - Klage - Innsyn - Fedje - Personalsak

Klage - Habilitet og innsyn - Fedje

Orientering vedrørende krisesentertilbodet i Bergen

Skjønnskudd 2019

Stadfesta - Innsyn i dokumenter - Fedje kommuneSkjenkeløyve mm - Kafe Losen

Vedtak:

Referatsaker vert tekne til orientering.

Samrøystes vedteke.

062/18: Forslag til reglement til pendlartilskot

Behandling:

Endringsframlegg frå Gidske Borge Kolltveit(Ap):

1. Ordninga for pendlartilskot gjeld for dei som bur fast på Fedje og pendlar minimum 1 dag i veka.

Endringsframlegget vart avvist med 8 røyster mot 6 røyster. Representantane frå Arbeiderpartiet, Framstegspartiet og Marit Solbakk Øien (uavhengig) røysta for endringsframlegget.

Vedtak:

Reglar for pendlartilskot frå Fedje kommune er som følgjer:

1. Ordninga for pendlartilskot gjeld for dei som bur fast på Fedje og pendlar minst 3 dagar pr. veke.
2. Årleg tilsskotsum vert fastsett av kommunestyret i budsjetthandsaminga og vert avkorta etter talet på dagar ein pendlar pr veke.
3. Søknad skal sendast etterskotsvis og innan 30.06 og 30.11. kvart år. Søknader som kjem etter søknadsfristen vert ikkje handsama.
4. Førstegangssøkjalar må leggje ved stadfesting på arbeidsforhold. Endringar i arbeidsforhold må dokumenterast. Fedje kommune skal ha melding om fråvær på meir enn 2 veker (gjeld ikkje fråvær pga ferie).

Vedteke med 13 røyster mot 1 røyst. Ottar Tangen (Frp) røysta i mot.

063/18: Framtida til Holmengrå

Behandling:

Vedtak:

Fedje kommune er negativ til fjerning av bustadhus og uthus på Holmengrå. Fedje kommune oppmodar Kystverket til å bringa bygningsmassen med kaianlegg i slik stand at det vert høve til nyttegjering av desse.

Samrøystes vedteke.

064/18: Skjønnsmessig frådrag

Behandling:

Vedtak:

Forskrift om vederlag for opphald i institusjon vert vedteke i tråd med saksutgreinga.

Samrøystes vedteke.

065/18: Velferdsteknologi - status og framdrift

Behandling:

Vedtak:

Saka «Velferdsteknologi – status og framdrift» vert teke til orientering.

Samrøystes vedteke.

066/18: Eventuelt

Behandling:

Spørsmål frå Silje Sulen Gullaksen (H): Kan kommunestyret få ein oversikt over kor tid det er legevakt på Fedje og kan det verte opplyst på heimesida til kommunen i god tid?

Ordførar svarte med å gje informasjon innhenta frå kommuneoverlegen.

Spørsmål frå Bjørn Solbakk (Frp): Kva skjer med tannlegetilbodet, og kan tannklinikken byggjast til bustad?

Ordførar svarte at kommunen arbeider med saka saman med andre kommunar og at ein difor ikkje kan byggje om tannklinikken no.

Spørsmål frå Terje Blomvågnes (Ap): Skal kommunen oppdatere vedtektene til barnehagen, sida dei eksisterande vedtektene er frå 01.08.2013, og det har skjedd endringar?

Spørsmål frå Tove Nordseth (Krf): Viss ein skal sjå på vedtektene i barnehagen er det naturleg også sjå på vedtektene til SFO, fordi dei heng saman.

Vedtak:

Ingen vedtak under eventuelt.

067/18: U-864 og Kvikksølvet. Uttale til Storting og Regjering

Behandling:

Forslag frå Gidske Borge Kolltveit(Ap): Vedtaket vert sendt som uttale til Storting og Regjering.

Vedtak:

Kommunestyret har merka seg at regjeringa i framlegget til Statbudsjett for 2019 legg opp til at vraket av U-864 og den giftige kvikksølvlasta skal dekkast til.

Kommunestyret vil difor gjera det klårt at kommunen sitt syn på saka er uendra.

Kvikksølvet må opp frå havet.

Å dekkja til kvikksølvet vil vera å skapa ei evig trugsmål mot livet i havet, mot kommande generasjonar og mot Noreg sitt renommé som fiskeri- og havbruksnasjon.

Kommunestyret vil og peika på at det i det siste er lansert fleire nye forslag til korleis gifta kan hentast opp frå havet, og vil be om at regjeringa gjer ei konkret vurdering av desse forslaga.

Samrøystes vedteke.
